

銅梁山人詩集

銅梁山人詩集卷二十

渝江王汝璧鎮之

喜晴

不覺流雲散天高望眼舒
好花宜雨後馴鳥喜晴
初戶有登山屐門歸載酒車
抽琴聊試叩石瀨響徐徐

天宇晴逾肅空秋淨碧漪
花畦窮有鞠齋閣富多
葵暑暖蟲鳴疾風高雁度
遲翠微攜客去汗漫好
相期

催菊

風雨重陽近芬芳佩服宜

用蕭穎士調

如何珠蓓蕾不

放玉參差石室來何暮東籬醉不知底須殷七七
裊露是花時

護菊用前韻

耐冷銖衣薄遮寒綠幕宜日光紅灑灑霜氣白差
差精舍香常住商林落未知延齡本仙客凝竚又
春時

紫菊一枝新開

白巾看叢菊一枝先著緋榮名高晚節采色上秋
衣曉日東籬早新香絳帳圍探花得都勝

菊花名高

第有先幾

庭菊齊開紫花獨勝

袖薄休相訝青娥亦衣緋霞標眞韻頗鳳羽共飛
翬麗句憐金粉仙才重紫薇芒寒兼采烈品貴自
知希

宴菊勞畦丁

秋影動虛室香光來翠微仙人聚黃綺上客列金
緋爲酌延齡酒同餐若木暉多君勤抱甕甘谷好
分肥

酬客饋菊

名酒無人致金英喜盡簪固窮花有骨分惠我無
貪悅亦因松茂芳還並橘甘疊華誰綰結色相好
同參

雨中菊

繽紛逢夢雨戍削想瑤簪含蕊眞如笑飄香更覺
酣衫痕漬黃粉秋色染紅藍忽見僧衣褐菊花名天
花正好參

月下菊

蔓草有嘉伴清揚明玉簪不因珠露白宛在碧波
涵色與香光一人隨月影三倘逢白衣至朱碧視

同酣

燈前菊

轉綠迴黃處花光舞正酣全開纔送曙半醉欲遺簪
雨散維摩室燈明彌勒龕陶公方顧影紙墨共盤餐

雪後菊

本自長生種凌寒性所耽粉痕疑太白笑靨借微酣
冷聚仙人鬢光搖玉女蓼南山有佳色新翠滴秋嵐

九日小集恆山書屋

商飈振林薄停雲結曾陰雨絲凝不飛碧宇寒情
悄鄰虛散罪屑著袂芒如鍼玉女運奇思迹門不
可尋歲事忽云晏久霽欲成霖宿麥已盈隴新綠
如抽簪水歸土亦沃流澇無所侵蓼花紅依依翠
袖寒獨任嘉節滯裙屐近遊阻登臨潑醅酌叢蘗
高情寄遙岑酒半度飛鴻離離流好音同人各閒
適相從爲謳吟撫景多所歡愜意惟素心素心豈
易期迢然鳴吾琴

獨酌書懷

無事此獨飲多情誰欸扉緹灰先雪暖援鞦得霜

肥黍稌冬春足
萑苻夜警稀
未忘民事重
肯使壯心違

運甕非爲劇
習勞差自強
乍拋青鏤管
閒試綠沈槍
樹冷參天色
花留繞座香
延齡新釀熟
嘉會日

方長

時方釀菊酒

題唐伯虎畫綠牡丹卽次愷首自題韻

貌得僊人萼
綠粧何須花
史爲雌黃芳
卿只合蓉

城住玉案雲
屏領眾芳

唐自題有他年我若修花史之句

庭菊結實圓
碧如琅玕
奇香襲人與
麝姪暨

諸壻以此中有眞意
分韻分體得五古此字

霜氣何氤氲老菊正斐亶貞心結寒空剝果抱秋
蕊朱萼與絳跗粲粲一何喜有如綰疊華香透五
輪指兩點三點星垂露碧於水仙人下青廊弄珠
蘿屋裏可笑屈與陶茫茫未解此異哉實且榮終
古不彫委奇芬入心骨花魂泊然耳或云內美含
是乃黃中理抑亦爛熳餘反質生太始徵色比珣
玕紀瑞考花史於花爲長生厥果慶多子

又七絕二首得眞字示金堦秀岐

傲霜本自得其眞碧綻東籬着子新更好歲寒聯
小友繽紛栢子綴蒼鱗

仙客餽糧果是真

左太冲詩秋菊兼餽糧

含霜飽雪倍精神

若教夢入文翁室桂子還祈抱送人

菊酒新莸以裛露掇其英分體分韻得七古

裛字禁用菊花故實

金精搖搖露光澀滿苑黃雲新捲拾中山仙醞延
花神青女授芳斗杓挹曲頭老柳光離離吐氣如
虹夜中入融爲碧瀨蒸爲霞酒旗煙重濛濛濕三
霄紺葉霜華凝一夜糟牀雨聲急玉蛆綠蟻何遶
巡轉訝花蟲生香香便似葡萄初潑醅更應枸杞
同淋汁素心佳士四五人凝伫秋籬冷香裛壁間

忽見榴皮書黃鶴銜來自雲笈夕餐金濯之英英
朝飲日華之噲噲祝君暢飲壽千秋松子黃公共
高揖

分賦雪詩二首

雪琴

商風裂竹羽絃驚便似銜枚得暮城雲屋早知飄
灑急冰微漸覺叩彈輕如花如絮無根蒂非木非
絲有泛聲不信曲高真寡和揣稱侔色正移情

雪獵

飲野歆山雪片麕紅旗小隊出寒蕪滿天落毳騰

孤隼匝地頽雲響僕鐸恰似分朋開組練早聞亂
笑得麋狐擊鮮正好羈腰飲醉倒馳囊不用酤

長至日醉歌

四十五日夜正長四十五日春何方迢迢一日復
一夕此日長至方未央酌君中山延齡之美醕贈
君耶溪鍊影之堅鋼飲酣拂袖笑起舞魑魅遠遁
蛟螭藏朔風烏烏吹太行雪花如掌雲幕張鴻雁
之飛不可得過大地四合沙茫茫黍谷邀騶生糝
賓激師襄竹聲窸篠絲聲揚但見滿庭花鳥紛菲
芳紅樓女兒繡線長絲絲繫住紅日光便如三舍

揮魯陽青女不復搏飛霜萼綠仙人高髻粧胭脂
點點塗額黃杏花杏花且遲放待我雙棲燕子歸
雕梁

邀同人小酌賦詩

良宵宜縱飲碧月已如春不盡裴裒意都爲澹蕩
人漏寒燈蕊重句好墨花新各自得眞意馴鷗未
易馴

歲美人聲樂風清鼓角愉濁漳流浪淨冷月照人
孤深夜星纔聚寒城酒易酤添籌正無筭九九數

花鬚

時方訂九九
消寒之飲

分賦地爐煨筍得七絕句二首

消寒第一集

春回雪屋冷光炎母筍穿泥削玉尖爲想空山麋
解角微陽夜半火初添

嬾殘飛去冷蹲鴟留取寒灰玉版宜記得竺峯新

火動黏頭初迸燕來時

乙酉春與讓山和尚同遊
天竺燒筍賦詩今三十四

矣年

題攬勝圖 并引

五白六簿雙陸格五彈碁選格之戲古昔相沿
各有圖譜載在說部至明倪玉汝之百官鐸依
仿銓法旌別之意寓焉進乎技矣茲圖不知俶

落所自萃寰宇奧區網絡於環中以詞客美人
緇衣羽士劍俠漁父之流游涉其間刹那刹那
徧滿沙界引而申之豎亥之步孔甲之圖瞬息
可周爲之賢乎用可重也有取諸象爰紀以詩
羌何席上起煙霧齊州宛在天中央山河兩戒不
盈尺豆登嶽鎮杯瀛洋拍肩連臂者數子落落莫
莫來何方六觚一綫六鑿攘尻輪神馬紛騰驤或
爲神風送馬當或如洛浦如高唐輓轡雲躋天漠
漠一枝蘆葉江茫茫劍光颯雪激飛電掣音杳靄
聞三湘有時邂逅或傾蓋時乃高舉分韻頗快哉

一躍過巫峽堂乎九折愁羊腸洞庭呼吸達井絡
日觀膚寸連吳閭歸墟躡影暫踵息一彈指頃成
滄桑吁嗟人生百年苦窒閼足跡不越梯與航讀
書萬卷行萬里所得已足誇窮鄉五臧八極莽茫
昧移山超海空仿徨磨驢磨蟻共旋轉黠颺五技
何飛揚安得風中之列夢裡莊圖中人兮相與遨
遊而相羊

分賦催雪得五律二首

消寒第二集

曉鴉鳴正急雪意阻冬晴宿麥欲無色同雲如有
情不徒消羽翼更待澤春耕好借王喬管吹空散

六癸

暮靄逗寒輕梅花開未成人間爭刻楮天半遲飛
瓊爲召黃鐘律來調玉羽聲素娥應聽得郢曲正
多情

遲雪得七古一首

消寒第三集

白雲漠漠生素空陽氣最寒臃腫飛翼悉宰不
肯下冰花匝樹搏迴風若有人兮來雲中曳阿錫
兮被輕容裁冰剪水施神工目成邂逅光搖溶醉
翁白戰騰霜鋒夜來吐鳳如揚雄馬卿枚叔皆相
從曼花滿天歌未終

寒夜有作

鬢鬆千林夜欲明
六花涸涸未成霙
霜嚴轉覺月無色
風急如聞星有聲
石銚斧冰堪作飲
玉壺醲酒若爲情
人間定有袁安卧
不肯干人夢亦清

分擬鼓吹曲賦艾如張

消寒第四集

艾而張芸其黃
何人腰鎌於何行
但艾艾與蕭休艾
蘭蕙芳火旗白羽
來堂堂驚鳥搏擊
天雨霜黃鶴高哉
羽箭不得傷空倉
雀何揚揚朝食穀
暮食梁鴟鴞嚇然
愁鳳鷁有捄天畢
施天網吁嗟乎艾
而張兮安所藏

再賦臨高臺

臨高臺以思仙之人兮不復來海山
眈眈風何悲青天高寥寥蝴蝶翻以
飛俛視地上人香垞如螽斯高臺多
風東西南北吹側身四望中徘徊愁
焉無好音灌木多附枝白雲纏綿安
所依噫吁嚱高歌不足長言之冰合
沓山何崔嵬仙乎徜徉山不知

酬雪索同人和

催雪再三瀆醑詩雲滿空如以壬癸
符召取飛廉慵寒飈攪昏晝日日惟
霧淞誠哉豐年祥豈曰木

介凶微陽默氤氲鳳肩含黃鐘中孚氣已孚宙合
靡不同茲邦處河朔恆嶽神靈通富媼告大霧元
冥下高穹白霓來連蜷羽衛紛相從手把珣玕琪
散作黍稷種盤根麥茵蠶乙乙抽玉麤寒威淨蚰
蛭遠勢銷煙烽恆河沙復沙玉山白重重嗟我下
界人安知元化功夜來筆吐花白鳳爲先容和平
浹神聽雲氣何淵冲報醕爲歌詩花雨堆心胷更
遣三白飛土鼓聲逢逢

分擬左太冲詠史

消寒第
五集

哲士難爲愚勞人不能逸晨興理圖史夜分視箕

畢運甃甯憚勤抱甕幸毋失伏生老書叢口授義
詰屈伸舒不窺園蚤挾天人術經訓未陸沉紹述
斯殼率束髮事鉛槧牽絲接簪紱練武味玉鈐執
法愧丹筆浩浩長空雲杲杲當天日努力渴驥騰
準繩飛鳥疾

分賦夏小正得三駒賁

消寒第六集

伏陽纔動屯蟄蟲未始振駒獨知時得氣已思
奮久已丸泥封不慮煩壤震戶外雪如席北陸曾
冰峻此中小有天春意自噓潤想其墮蟬時蛾子
術以訓二之日其同纘武集田峻帶甲數十萬紀

律必且信各自雄牙鬚而不血鋒刃魚麗次若鱗
鳥雲亂如鬢卷甲伏而趨銜枚犇益駿揮霍風雲
奇變化蛇鳥迅等身鍊可擇旋磨日爲暈紫石未
遊觀金隄幾潰僨蠕動本陰機宙合自細縕衛雲
裏驂騰躍池黑鯉牝稽名義則同徵色元爲近雪
窗釋蟲魚蝨藉閒拾摺轉曠雷發聲槐陰已列陣
戴傳元駒也者螳也本或無元字晉崔豹古今注
作元駒宋傅崧卿定本及諸書引用皆元駒惟唐
類函作駒元金仁山謂古文俱作駒不知何據案
說文駒微青黑色本駒聖字馬蟻色純黑自以元
駒爲是

題孫雪居畫饋歲盤分詠盤中物得烏芋

消寒

第七集

寘盤亦欲舉鄉風却笑蹲鴟狀不同定有龍鬚生

鏤管

爾雅鳧莖註苗似龍鬚而細

何時驪目遺珠宮燒殘芋火

朝醒析嚼到元冰內熱融爲想吳淞江水暖湖田

漠漠下鳧翁

雪居華亭人

祀竈

消寒第八集

當戶元雲靄何人據竈觚爲君澆桂酒相送上天

衢奩飯聊堪祝簞瓢故不羈但須祈富有惠錫我

農夫

除夕立春

消寒第九集

今夕知何夕新春早遇春辛盤延舊臘丙夜接嘉
辰錦帳燈前蕊金花勝裡人青雲光粲縵佳氣滿
松筠

人日順德道中

青雲發軔趁芳辰景色那襄眼倍親大陸正逢初
霽日百泉應識舊時人清尊栢葉延新詠古驛梅
花寄好春獲醜行看俘

闕下俊風指顧靖煙塵

時護解逆賊
羅其清赴京

過雨花庵再用吳文簡韻

載過栢人縣又飲栢林茶塵色遙村暗風聲古樹

斜小亭僧是主少坐客爲家待叩空明石宵分看
月華

李載園出示張柳門編修詩鈔漫題一首

我本巴嶽後生者後生又見堂堂張新詩一卷兩
卷在人口字字如出玉樓仙吏之錦囊或如蓮花
發玉井或如劍氣凌大行或如窮鬼在一搏或如
神女游三湘想其下筆雷雨疾滿空飛舞龍象夔
獷羊有時雙鳥鳴且鶻三千年上高頡頏有時作
兩鬼眼珠黝活騰精光我愛其人不得見長蛇生
馬神飛揚安得將子置我傍酌以葡萄金卮之酒

同評量從來蛟螭容易雜螻蛄蚱蜢窮偏喜來昌陽
神仙足官府何必僧道裘丈夫苟一心奚事箕帚
同帷房詩中有題如此我不得已刪其題目留詞章乃令
不類俳優倡然後盧同走馬異僵任華拜劉父降
左揖韓子嬰右請毛公萇彈琴鼓瑟吹笙簧屈宋
揚馬皆循墻我言戲耳君休狂旣和且平婉以莊
進乎技矣真堂堂

獲鹿道中

凍雲十日阻河關寒戀青樽客思閒一夜淖池冰
乍綠東風吹我入春山

好山別久倍多情舉舉霞標若遠迎一望四圍嵐
翠合芙蓉朶朶馬頭生

約遊鹿泉雪阻不果

羣山合沓冷煙重有約山靈願未從十里亂雲遮
抱犢五更飛雪下封龍荒祠路斷跑泉迹古壘沙
迷背水蹤明日玉屏開曉色相攜蠟屐好從容

次日微雨留宿鹿邑

濕雲蔽遙空千山雨如夢雪花旋旋融煙縷微微
重松影寒猶凝夢意綠已縱石邑留行軒樽酒集
賓從甞得息塵鞅聊復徵嘉詠鳴雉疾以清蟄雷

殷欲動嶺路或凍塗石林仍霧淞遶砌聞流泉
宵宵激清弄

曉發土門口

土門一線接遙峯積鏤千重石萬重一夜太行飛
雨疾山城如斗白雲封

石氣寒暄未可憑雪方成雨雨成冰玲瓏曲曲穿
雲出馬影珠光得未曾

九里徒看亂石紛草山何有有荒雲千秋慷慨懷
雄略牧豎猶知背水軍

石墨劉天黑水彎峯巒鬱屈冷孱顏若能天柱爲

文筆到處揮毫作硯山

井陘山行卽目

東風吹雨過天門

白石嶺俗名東天門

古木黃雲又一村聚

石爲神憑索饗穿窬比屋長兒孫定知積塊媧皇
賸近望祈羊嶽廟尊形勢從來稱阨塞雄關舊壘
至今存

井陘晤毛沁浦口占贈之

梨雲契濶好容顏寄命攢天冷翠閒三載欲歸歸
未得天教看遍井陘山

沁浦邀往邳侯廟登眺卽留小酌

廟祀漢靈壽侯邳彤

相攜訪古入煙蘿四望雲山壁壘多娘子高關飛

玉瀨

綿蔓水經娘子關東下

將軍遺廟轟巖阿鐘含碧厂琴

含石水外桃花塢外波尺半鯉魚一鴟酒纏綿情意比綿河

陸辭赴山東臬使任紀 恩二首

曙霞開岱色曉日戀觚棱毗倚

新恩重栽培

舊澤承春風驚

寵異

溫語倍冰兢寸草心何極橋山慟不勝

有汝是聖諭

鍾梁山人詩

去

太上皇賞識之語
天恩高厚感悚益深

銜感辭 丹闕飛空散玉霙

塗次春
雪甚普

兩朝恩遇渥千里惠風清齊魯遙青靄畿郊宿麥
盈輶車東向處馬首瑞雲生

望西山積雪

冷煙一片白雲鋪澹絕雲林得意圖似我清寒眞
瑩骨愛他纖翳不沾膚虛空日擊皆溫伯綽約光
疑似藐姑仙界本來隔風雨好山端合住冰壺
過正定有懷毛沁浦

亂山如馬感離羣攬轡淖淹日未曛春半雪花猶

一尺凍餘柳色未三分
溯洄綿水花邊寺凝望蒼
巖雨後雲何日攜壺尋舊約
古丁香下醉毛君昨
浦言蒼岩山有古丁香二
株大可合抱欲往觀未果

過順德口號

衣烏夢繞太微天
風雨畿郊十六年
零落祇今存
碩果焚修此地記初禪
余初任順德時
僚屬彫謝殆盡
驪歌尙戀
龍岡舊馬首遙瞻
岳色鮮最是百泉清
鑒骨明明
如月印前川

留別大名

雙旌少駐愛晴輝
遮道攜壺意莫違
荏澤幾時無

竊發賢臺五載好因依
愜山幸未慚延世東館何

勞報廣徵寄語河干諸父老
漳洛新水自生肥

元城

十三河道村積潦十餘年
余爲建設涵洞宣洩俱
成渥壤沿河築壩水歸故
道附近各村皆得灌溉
利之

銅梁山人詩集卷第二十一

渝江王汝璧鎮之

華不注集

望華不注和太白韻

古黛凝碧笄單椒削奇峯待拂珊瑚枝揖此青芙
容大風薄管晏逸思凌喬松手攀觸石雲神逐行
雨龍嶽蓮寧遠而韡韡遙相從

東來儵周月塵目遮青峯盪胸挹明湖玉鏡涵秋
蓉虛庭肅清晝鬱鬱柏與松所欣貫索靜得歲占
蒼龍華泉堪濯纓蠟屐行追從

歷下亭和少陵韻

靈區蔽海嶽雄槩憑山河一泓萃城均奚足以自
多古賢遇恍惚物色留嘯歌翠羽集蘭苕赤鯉遊
文波所惡葭莢亂束濕當如何好待芙蓉開雙槳
頻來過

挈音動蘋末遶宇垂清陰溯游水一方采采爲情
深名士不可見獨往聊自今白雲澹遐思碧景空
塵心雖無巖壑幽天風振喬林欲借瓠巴瑟彈作
蒼龍吟

喜雨

歲星今歲定來東
膏雨知時惠不窮
自是

天心符

主德故教民氣協
薰風飛雲不覺崇
朝徧沃壤還思入
澤同七十二泉噴
灑處早知磅礴助
神功

洋海棠

碧雞伴侶絳宮姝
瓔珞垂垂海氣扶
最好炎官張火繖
何時鍊網出珊瑚
低徊春雨燕支冷
想像秋衫粉睡腴
端正寶瓶天上供
紫囊細細簇玫珠

美人蕉

不管風聲與雨聲
拈花小立自盈盈
雲衫不浣調

脂色翠袖還饒倚竹情綃帳曉涼天乍綠紙牕雪
重夢尤清騷人但解憐香草有美清揚未目成

雨後種竹和吳堦韻

意行入林巒兀對絕氛俗不覺風氣涼重以雨聲
續趵突翻欲飛華不澹無潄安得并州刀快剪渭
川綠野老何處來擔肩磊青玉長鑱斫雲根老蛟
竄牆曲好待棲秋蟾亦已晞朝旭所向遂其情生
理乃無促峭舊自葆真翛然遠炎酷相看磊落人
何必遺檢束

種竹後得雨疊前韻

此君鸞鳳姿，啄菹異凡俗。况有捧龍兒，鱗鬣森相續。急雨天上來，擺掉滌歔歔。潯青迥乃出，藍黃迴皆轉。綠古篁梢浮，雲新箭削寒。玉瀟瀟，澈夜聲點點。稱心曲，商絃召琴襄。醉墨舞顛旭，于隅比竹吟揮灑。圓毫促各抱，君子心不知。法吏酷高情感，長嬴冷風散申束。

雨後望千佛山

巖巖神嶽開，朝霞冠裳羅。列天孫家曾，巒北拱作屏。衛曰稽帝力，欽重華山人。終古事耕鑿，深居時復遊。麋鹿題名千，佛昧所始神。斤鬼斧誰搜，爬十

方利土不可計各各會合來無遮自然師子交露
帳一塵一佛參兜沙祇桓具足曼陀雨大地涌出
青蓮華我來渴仰一無語兩行古柏森排衙堂皇
悄悄似方丈指麾灑雨驅藥叉此邦吏做民亦窳
如以箴艾砭癥瘕刑期無刑辟止辟我聞如是非
毘邪但呪鉢雲作甘露長我黍稷滋桑麻河灘澗
澗各遵軌毋使赤子爲魚鼃佛天錫福我弭患茫
茫願力眞無涯

分賦明湖觀荷擬秋夜曲

悄悄綠霧挈音宵齊女歌殘柳眉老纖阿欲上素

練飛龍宮寶炬千枝曉鮫絲萬斛穿明珠丁丁漏
斷白玉壺羣玉花開眾僊下中有窈窕紅羅襦月
娥垂影空煙重銖衣綳袂紛相送鴛鴦不語戢翼
眠絕無聲處花如夢此時定有吐鳳人蓮華爲骨
秋爲神花魂彩筆相依因空秋繪出蘭苕春

題扇頭畫過牆梅分體五律二首

疎影動懷衷含毫多遣思樓陰餘古榦竹外有高
枝粉馥花生座裘衷月到移飄然無定所萼綠乍
來時

一桁波痕綠盈盈澹月新農家住西里之子在東

鄰寫出兩般意都成一樣春好風自披拂偏反總
宜人

題青州紅絲研

胸山有仙材乃在斧柯上溜水流其英怪石古所
尙比德如圭琮毓秀本昆閩朱絲何庚庚紫雲自
瀼瀼何處來方瞳元泓一杯餉吸取溟澥濤翻作
墨池浪仲呂翳何人奕奕神猶王海晏已千年人
壽亦無量

研正方銘曰墨海旁勒仲呂製古色黝然宋以前物也

處暑日同人擬遊龍洞雨阻不果

火雲初斂石雲殷有約山靈未許攀纔得清風生

兩掖忽驚鱗甲動千山

不覺天瓢馬耳傾
髯羊何處覓初平
遙知飛雨空山夜
定有銅杯戛石聲

趵突泉

穿霤曾看岱石欹
澗泉正出更恢奇
移情瀕洞三山近
一曲歎欽得我師

歎雨衝風瀑倒吹
樓臺金碧漾文漪
廿年前事西湖夢
坐看三潭月上時

八月初一日同人小集
華不山舫用昌黎酬
盧雲夫望秋作韻

碧笄摩天虎牙矗青霞如劍新開函娥英泉畔一
舟繫非陸非水圍崢嶸此閒水石最明瑟迢然秋
影生蕉衫安得無事事遊譙駟驢欵段皆轡銜我
所思兮隔雲海碧羅剪字誰能緘鵲山仙藥不可
采灤源蓊翳難爲芟比肩迭食二三子牖下扶寸
瞻巖巖有時衆竅作靈籟鍊雲生火甘生鹹七十
二候互吞吐朝嘲夜咬何詰誦同人五日
會賦詩雷壤喜
無豹脚閔風樊絕少蠅頭譏笑予刻楮不自暇分
陰時復窮彫剗募收執矩歲東見歲星八月
朝見東方萬物
悅豫金神鑒黃雲彌野樂眈峻神絃社酒非咻饒

吾儕唱酬出金石亦與正直偕和誠芙蓉街上露
如洗行見月鏡來撼撼

百衲琴歌

琴之德兮惜惜琴之材兮百一而同心泉飛兮石
窅風雨會兮霄霽龍翻翻兮鱗次鳥鵲止兮緩險
紛衆嫺其欲下山蛩螭以寄欽杳冥兮天高而海
深雲裔裔兮終古其難尋

分賦秋燈

輝輝螢火冷搖空一片花光色相同暝入淡煙人
語外夜分涼影鴈聲中幾家夢隔紅樓雨千里情

牽綠幕風絡緯何須怨寒素短檠今夕比春紅

望厯山曉色

珠露滴方靜鷓鴣鳴未休霞光千嶂曙嵐氣半城
秋吏肅民聲樂天高雨脚收逸情還訪古帝德在
田疇

分賦秋蟲

飛蚊繞鬢夜燈青蝙蝠巡簷月到櫺芒喙有花過
白露秋毫無力庇蟪蛄殷雷尙欲依煩壤子子終
應復舊形好待西風涼冷後掃除虛幌得清冷

雁來紅

調脂誰爲染秋姿秋色如春燕去遲紅葉自明楓
樹外清霜纔到鴈門時彩連鳳翼金花麗勢挾雞
人絳幘奇爲語錦堂諸貴客啣蘆休忘澤鴻悲

秋圃買花

昨夜和風入素琴青娥翦纈到園林野人詎識栽
培意秋土尤多愛惜心珠露高寒花似錦雲光瑣
碎月如金品題便與通侯等姹女錢工未易尋

三研歌

一研先澤遺兩硯古老物玉脂與我生俱來蠟墨
紅絲自滇越

蠟墨滇南李蒼厓先生研紅絲硯高
密宮怡雲先生家藏盱眙令李允中

漢嘉守宮虛谷同寓長水或爲斧柯仙窟之雲根
時贈余者皆數百年物也

或乃嶠夷岱賦之玉骨

禹貢孔傳怪石好石似玉者

小時一研

文祿隨長而兩研相師資三君與我作四友逾江
涉海凌崔嵬琮璧其神鋏其質三三萋萋鳳翥而
鸞飛爲請三石君坐我方丈室曼陀羅花深一尺
渺渺末小生相對三尺檠冷焰翕翕搖秋星元金
之下有元砥元雲上結爲元亭亭中往往出光怪
三山雲氣瀾滄瀛咄哉李長吉安敢譏孔石孔石
本非眞寬頑何足云昌黎誇峋嶠綠樹哀猿語何
處得奇形赤石青文古此三子者天爲緣龕中彌

勒壺中仙摩娑壽世幾千年我心與子同貞堅乃
曰研兮研兮三星粲兮函而一兮無以異乎三子
者之撰兮

秋分小集分韻得人字

松有清陰竹有筠無邊沆露下高旻雲光澹沲得
佳思山色嶽嵒如異人涼入黃昏辰乍伏星明南
極采初新多情燈蕊依依綠良會何辭夕與晨

重九前二日以城南登高爲韻五律

寥天一何淨衆籟各含情山色半臨水秋光全入
城雲煙多供養竹柏自孤清日送高鴻去蒼鷹氣

不平

結伴尋僧窟聊爲物外談高情連海岱嘉客盡東
南翠堵光逾峻霜花色正酣底須誇落帽倒著亦
何慙

不識大千佛甯知最上乘新霜何草草空翠太稜
稜沙燕未成蟄昏鴉殊可憎石頭休慮滑飛步我
先登

極目望寒臯商風正怒号雨餘山氣肅鶴去海雲
高簪菊聊酬節分箋亦自豪來朝鵲山去采藥醉
松醪

秋夜集字作

洞天遊讌是前期桂殿湖彎獨去時殘雨不開渾
側帽新蟾方上笑低眉水仙移望琴何澁雪子全
眞辨亦奇同此著鞭堪衆羨當歌人自寫芳詞

九月十九日用韋左司龍門遊眺韻

清秋展嘉辰山色如新闢冷翠相因依飛霞自晨
夕黃華醉經旬塵影集舊客酒半落高鴻琴音閒
在壁喜無俗物喧况復訟庭寂逸情入停雲膚寸
合靈脈伊人隔秋水湖光盪空碧潏沔天宇寬遊
神笑形役

霜降後聞布穀

秋林澹朝靄紅葉似花明
霜氣一何肅春禽時復鳴
仁風鷹欲化沃野麥全耕
好和鄒生律何人更不平

題長生無極瓦硯

孰陶旅兮瑄與璋厥內倍好朝日光
昔時阿閣今文房拳蛸倒薤龍鳳翔
煉雲生水騰精芒扶寸定有蒼蚪藏
長門夜雨空荒涼鴛鴦鵲皆茫茫巍
然獨存介有常文章壽世眞未央

十月始見菊花

嶺上梅花欲放時
金英朶朶燦堦墀
勤加護惜香逾遠
飽歷風霜采更奇
甘谷已多新釀醪
東籬猶有未開枝
不徒晚節人爭貴
仙客延齡本異姿

冬蝶

揚揚寒影已披離
曾是滕王舊粉脂
戀暖賸能棲草樹
依人漸欲上屏帷
夢回浪紫妖紅日
愁絕裁冰鏤雪時
好勸抽身入雲水
蜻蜒閒立釣竿絲

冬蠶

南榮日上凍雲舒
窺戶遊蜂故自如
羃積已成房若瓠
冰凝不碍蜜爲廬
撲花小尾空辛螫
對客幾

冠笑子虛詎識化工收歛意寒園尙復冀羸餘

送黃壻暫歸蘇州用東坡臘日遊孤山韻

登高邱望五湖吳門匹練真有無遙青未了入空
濶長風遣鴈相招呼三十不宦愁淒孛風雲意氣
聊自娛乘閒料理白藤笈紫絲驄馬何縈紆家山
舊有仙人廬怪石竄峭蒼松孤同龕住近師子窟
六時誦讀供伊蒲山中驛遞尋凡夫探梅往復連
朝晡相思遙寄香雪海得意畫作雲林圖乞君飛
珮致有餘我心止止神蘧蘧諸子索詩如索逋奔
泉挾石煩鉤摹

馴鵬

獵獵鳴牕響北林海天風色正蕭森低徊毛角三
秋力只尺雲霄萬里心定是多生來驚嶺也隨閑
客到花陰等閒不放垂天翼依戀應知惠養深

千佛山雪霽集字作

雲濤疊互嶺叢叢一點青蓮玉鏡中洞豁冰寒藏
卧佛磴斜泥滑下高鴻遠山笑對雙松老斗酒因
思百穀豐翫取天花詩可攜乞靈古屋有春風

喜雪用東坡清虛堂韻

紛紛鴈鶩沙復沙鸞翔鳳翥來衙衙曉寒忽覺肝

膽醒老柏一一開琪花雲容陰裔六銖舞乘風恍
到天孫家滄瀛萬里澈玉鏡日觀半夜埋金雅鯨
綃織得字誰剪鵝管吹出霜爲葩電旌羽衛互糾
結秦碑漢碣煩搜爬神人欲來藐姑射佛嶺却走
鳩盤茶穰穰雨粟滿山谷蚤完租賦無撈撾醴泉
可致沴可禦區區願力空咨嗟莠民爲良墨吏白
海天額手光明霞

小除夕大雪疊前韻

驅儼趑趑紛踏沙虎皮四目森排衙誰將七十二
泉水一夜剪作連天花雨風颼颼溼鼓震山坳怪

石填人家凍雲沈沈黑如墨月明霜白驚昏雅元
亭有客夜吐鳳筆花硯雨何滂葩枯腸正要酒脯
祭白眼不待金篦爬旃檀文室結繆篆松明石鼎
煎苦茶但看玉屑落塵尾豈有銀盃隨馬撾冰壺
涸沍春欲透野田凍雀休啁嗟輿輶載糗笑多事
短檠吐燄如彤霞

雪夜盆中牡丹再疊前韻

水光照澈恒河沙靜收蝶夢恬蠶衙何人鍊火作
雲物元冬開出三春花微風暗吹黍谷琯新恩來
自東皇家乍驚黃裏簇火齊直欲夜半騰金雅青

娥剪綵弄紅纈素女搗玉揚霜葩神工妙手不相
下仙人殷七爲捽爬冰釐錦帳伴珍供寒泉雪盃
烹團茶青陽漏泄艸根少臘鼓動地兒童撾綠華
爲妃水仙媵孤山孤絕休咨嗟晶簾月曉么鳳叫
頃刻吐綬如丹霞

銅梁山人詩集卷二十二

渝江王汝璧鎮之

庚申元旦

天風淅淅下遙岑
花雨紛紛積地深
雪勢欲高三百尺
山光相對一千尋
霞開佛頂青連郭
人立華不翠滿襟
彌望瓊田春有信
芻尼送喜到喬林

芙蓉街踏雪分韻得踏字

裂竹砰訇風織颯
太平鼓打聲鏘礮
雪泥一尺深復深
蠟屐紅裙相迢遞
六街風色何蕭森
滿地冰稜似渠苔
閉門蕭管寒淩兢
凍合夫容水硯磕
頗

聞花市唐花開鼠姑嫗姬天桃盦清揚窈窕薰蘭
芳蔓草覲髻藏艾納褰裳結脚來訪之三百青錢
問不畚天花彌逕堆瓊瑤子所居竒笑應嗒化工
無心德泰大取之不盡隨擷跋夜寒鐙火闇分朋
何人連臂歌且踏土牛才予來何遲一片春聲動
閭闔

試鐙日立春

珠泉搖碧冷光融簫鼓盈街月滿空春影暗隨燈
影綠銀花相映雪花紅青旂采色三霄麗玉燭年
光四野同見說錦屏春信早石盂吐氣正如虹

東城

南錦屏巖有石甕相傳立春日吐氣如雲

燒燈日明湖遊眺

爆竹翻波走濕雷
鳬鷺散亂亦奇哉
半城新水綠初動
一片冷煙春乍來
蘭澤褰裳饒遠思
山光引袖入深杯
輸他葦畔延緣客
笑看冰花輾轉開

正月二十九日同人小集用昌黎感春五首韻

辛夷高花凍不開
唐花市上春光迴
杳杳岱雲出寸碧
沄沄澌水纔浮杯
泛舟定有李郭伴
登高更喜羊求陪
有窮之鬼在一搏
延之上座何爲哉

紛紛春物從何來
離花滿眼東風迴
羯鼓無聲靜
白晝紙鳶作態搏
紅埃明湖新水繞
城郭鵲華削
出青鬼嵬好向天孫乞
雲錦飛霞作佩金刀裁
始春祭耒神絃催
大田雪澤龍星迴
曉寒乍聽春
起也月小又見明生哉
古槐老柏寂無語
天紅浪
紫紛欲來新新相續祇如此
且覆酌酒傾金壘
聯吟雜組往復迴
靜觀物色眞可哈
柳梢濛濛綻
微綠梅蕊耿耿離煙埃
訟庭無事芳艸長
虛室相對清光來
欽寄厯落笑人也
迫窘詰屈奚窮哉
今夕何夕清尊開座中
佳士聯翩來元談超超外

糟粕高舉落落遺氛埃山爲屏開水玉折不知陌
上頽風頽青春不費一錢買玉壺好句吟千回

吳壻郵寄途中詩卽用其敖山吟韻却寄

看山不得得好詩山靈有喜來助之短衣匹馬走
寒麓飛泉泠泠初夏玉春風一夜何處來岱雲朶
朶相追陪硯田不屑計區輔但使壯遊得資斧一
笑豈是蓬蒿人暫時落落趨埃塵琅邪歌斷右軍
死坐對黑蛟半池水

琅邪書院有
右軍洗墨池

上巳日約遊明湖以雪不果卽和沈小漁茂

才韻

遙空水氣蹙文鱗飛舞雲衣雪片勻祇有漁蓑傳
畫本那能襍飲集芳辰問誰可引清遊興與子同
成嗒坐人陌上顛風吹不歇天教緩緩度青春

寒食日風雪

春風風人春雨雨人自得意春不知新綠著樹已
無次亂紅向人方及時雪花忽逐柳絮起羽聲漫
入飴簫吹正是峭寒風側力賣花擔上冷雲垂

喜晴

雨餘晴更好雲去意俱飛天意憐春稼人情愛曉
暉碧舒蕉葉大紅綻海棠肥佛髻青連郭光風滿

翠微

半月風成陣不知春已深
鳥情天外喜花氣日中
尋疊嶂新開幔飛泉暗入琴
相將攜榼去褰袂好
登臨

初夏偶題

端居勿勿過春殘十日暄
風膜欲乾多事燕鶯渾
弄舌無聊鼃黽欲翻瀾
因貧止酒原非病強約看
花未是歡我本無心似流水
游絲飛絮任漫汗

野馬飛騰氣自豪遙青隱隱下晴臯
半庭晷影官槐靜一夜雷聲稚筍高
偶倩詩篇酬物色背忘民

事謝塵勞天心定可通呼吸稽首雲輪雨似膏時方

雨禱

德州午日喜雨

暫駐輶車德水東蚘蟊雲氣四方同田間爭頌神

靈雨天上遙吹解愠風喜看新蒲如淬劍好收芳

艾爲驅蟲

農人謂午日雨恐禾稼生蟲

行人何以酬佳節臚取

歡心答化工

入河間境用前韻

芄芃禾黍滿南東綠沁川原一望同曙日晴開三
輔色宿煙吹散九河風遙岑膚寸迴靈氣尺澤溝

塍淨艸蟲沃野舊傳瀛鄭地勸耕好鳥正催工

都門晤韓東生見貽詩箋次韻賦答時余將
之蘇藩任

菖蒲花開夏始半伯勞飛燕分雲翰長安故人韓
伯休傾蓋相逢騎老段搏沙放手四十年潞河萍
合復蓬斷風襟塵抱何悠悠從此結交半虛謾吾
兄到老不釋恭古劍逢秋倍花璨先生經筭笑便
腹有子繡衣號精悍

令嗣對由觀察
入爲秋曹郎

名山著作七

葉留滿斛驪珠夜光竄攜來詩箋懷袖開雪爾清
風衆星爛人間有此辟暑犀走也慚無青玉案肫

情摯語兼良規黽勉相從夜達旦聖門贈處古訓
遺出處同心斯一貫他時問事來不休通德頻尋
鄭公閑

出都口占

斗南雲氣接星槎柳色依依客思遐三十年前夢
傷別四千里路雨隨車勤民事切頻諮野戀
主恩深未憶家此去吳疆計康阜豈徒文史耀清
華

涿州送朱錫溶還京并寄其兄豐潤令潮

柳煙迴望正紛紛送我翻成我送君舊別十年分

宦轍新來三宿重離羣
征人衣上胡良雨
祖道尊前督亢雲
寄語賢昆同努力
清聲最好張吾軍

雨後新城曉發

雨後天氣肅百昌
爭濯磨不知造化工
但覺物候和良苗
上生尺黍稌亦已多
長羸氣莫遏高欲淩
玉禾鬱鬱栢與槐
振迅干霄柯官柳
立道旁
蠲潔含阿那
迢迢白溝水
靜碧如銀河
清風吹析津
龜魚不生波
氣遂志自孚
意得情無訛
乃知天無言
響應如唯阿
庶彙盡如此人
意當如何

雨宿鄭州

銅梁山人詩

辛巳年卷二十二 木

策馬循荒淀衝煙入古城雨聲搖竹檠水氣冷桃
笙斗酒思豐歲雙魚寄遠情舊遊十年夢感慨一
時生

過任邱懷阿雨臆廉使

當年踏雪走湖壩冰上調琴水上眠今日葦間傾
聽處仙人宛在水雲邊

乙巳冬予與雨臆會勸淀
地就冰上鼓琴至今冷然

耳在

瀛州太守今廉訪高閣臨江孰與登昨日春明逢

舊雨登瀛門裡一條冰

余在吏部時與阿雨臆景
樸齋最相得景以洛州別

駕歸爲翰林待詔昨在都門晤
之思雨臆不見如對雨臆也

河間道中

濯枝吹不斷膏黍澤無窮浩浩隨雲去行行入雨中
沿流尋禹蹟瞻嶽見神功南望尤縈念江鄉待
好風

商家林草笠

村婦伊何利家家麥艸鮮初來纖手細盤作疊華
圓笑我真冠鉢因之欲寫天小民生計薄寸艸戴
恩全

景州喜晴

雲影如奔馬風痕共絕塵喜逢開霽日照我緩行

人宰堵依城直河流潑綠新上游雄跨處德水好
爲鄰

留別濟南

一載心期此默然濯纓湖畔暫停鞭仙人未遇華
不注過客何慙跼突泉那得賣刀都解佩可能治
獄盡無偏河壩更有關心處民氣彫殘復未全

次崗山

路入靈區景不同四圍堆垛玉夫容天纔徧雨崇
朝後人在遙青未了中安得飛仙相頡頏但教塵
思愧清空來朝便到天孫宅滿袖雲煙好馭風

過泰山

溟人青氣潑天鮮碧玉壺中
午日圓彈指卅年三
過處無言對面故依然

夕渡汶水

纖月挂高嶺澹煙明小舟人聲藏渚曲斗柄揭河
流山色徂徠峻雲光日觀收便當尋六逸秉燭竹
溪游

蒙陰道中

雨餘溝瀆流皆滿星野奎婁氣可探七十二河瓜
蔓水迢迢相送下江南

沂州贈洪桐生太守

此邦風景不清冷山色孱顏海氣腥
百里但聞泥滑滑五更誰誦麥青青
勒刀莫放豪強逞佩犢先教婦子甯
他日瑯琊傳治譜豈殊渤海有前型

出山東境

魯山遮道重迢延唱罷驪駒意渺然
古堞荒雲郊子國亂蟬高樹馬陵川
回頭河沛清波遠一望淮湖沃壤連
爲語江鄉諸父老南風好上阜財篇

歛乃曲

平江舟行舟人歛乃之歌清婉可聽
倚聲譜

之借用上邪字以合其音仿佛竹枝女兒之
遺韻云

欸乃淮水沄沄綠洪湖淦淦平上邪長官清似長
江水第一中冷分外清

欸乃水驛三千近龍驤萬斛輕上邪從此官倉無
雀鼠南風解愠樂長贏

欸乃風清雙雙堠柳暗短長亭上邪三十六陂秋
水碧青蓮一路向天青

欸乃郎意如山固儂心似海深上邪願借拈花金
色指逢山點石盡成金

欸乃曉風渡揚子夜雨別焦先上邪終古樓臺煥
金碧人來人去自年年

欸乃去帆如躍馬來驛見奔牛上邪詰旦吳閶看
攬轡岱雲高處孰凝眸

許關迎晤岳

撫軍適舟中有眞西山宴

湘江亭詩卽用其韻

新恩軫念海疆民銜

命來旬意倍親饑渴正殷胞與念勤勞莫負宰官
身客兒遊處關河舊蠻府今來將吏循最好聯舟
話民隱平江風雨盡如春

喜雨邀朱雪濤飲用韋左司郡齋雨中與諸
文士燕集韻

秋半露未降庭花吹暖香古礎屢烝溽喬木無陰
涼霽然風雨來溼雲堆滿堂鵲語一何喜蛩吟無
太康舒懷致蕭散愜心非坐忘秋氣入酒杯蔗味
欣初嘗良規得嘉友錦字多報章當茲執熱餘快
若凌霄翺談言旣浩浩歌詩亦洋洋况逢甘雨零
屢豐正無疆

茉莉鶴和朱雪濤韻

不由啄菹自天來

昌黎詩鶴翎不天生變化在啄菹

瘦影伶俜傍

銅梁山人詩

華不注集卷二十二

十

玉臺雪羽何須堅白辯縞衣端的上清裁飛從蒼
葛林中見夢向瓊田月下回最是曉涼綃帳薄么
禽釵上毓仙胎

秋夜箴白堂小集

采蓉寄遠費吟哦近局琴樽足嘯歌遯鴈涼風來
信早過江秋雨入宵多沙田歲稔神絃樂棨戟香
清畫角和豈必能詩誇一例斯民居處定如何

中秋月食

參井垂垂夜欲闌干撾畫鼓動雲端微分曙影透
巡暗留取清光遍滿看此夕仙人尤縹緲相依桂

樹足團圓豈同塵鏡開函色百鍊精神太古歡

賃花偶題

齋閣獨燕處近市無囂譁昕夕計度支風雨懷桑
麻雖無敲朴煩筆算紛以擎積塵時一掃默坐如
僧伽客從遠方來投我以木瓜謂言病摩詰丈室
無光華勸數姹女錢往賃虎阜花貧兒忽致富金
碧堆窠窠不煩健步移奚事頃刻誇扁舟遞洄溯
滿載香滂葩撻拾洞庭春頡頏林屋霞鄧尉剪香
雪黃山盤松槎絳帳閣衆艷元亭生丹赧位置稱
槎几淺深籠碧紗撫序有盛衰應候無參差只尺

庭宇中如到花神家吁嗟人世間暫得甯非奢亭
主悟逆旅俛仰參恆沙衆芳幸有託在我猶在他
卽事得欣賞春風甯誕夸

喜聞賡姪京兆試捷音感賦

喜劇翻教淚滿巾看花舊夢已成塵

予與士會兄先後登元魁

今三十餘年矣當年珠樹同高第此日銀袍是後身
丹地快看初進步清芬毋忘誦先人可憐起舞惟痴叔
盼想瓊枝二十春

盆柏

黛雲碎碎覆花莖鬱屈銅柯翠葆支生兩石間何

必大有參天勢便能奇凌寒不盡輪囷意著雨尤
多峭蒨姿俄頃結筋生左肘太陰雷電走躩踞

盆梅

曉風依約下雲鬟寒色淩兢動白間亦有疎星明
翠羽便看拳石似孤山大千香雪歸帷幄絕代佳
人本靜閒多謝天娥頻剪纈不勞驛使度河關

長至日遲雪作歌

年年嚼雪時高哦珣玕滿卷交枝柯寒光照手冷
徹骨但見白鳳飛穆眇燕臺雪花大如掌岱嶽雲
氣堆如鵝錦囊一一細收拾曼殊花雨何其多南

金華集卷之十一
三
來溫磨異氣候銷金熱海翻文波蟲豸撲緣鼃
溷山藟麥麴常搜羅老梅輪囷獨解事冰壺索笑
光嗟嗟便煩紅女理弱綫繡成九九如金梭雲衣
裔裔共飛舞玉沙點點沾苔莎遠山煙沈失林樹
凍湖風急歸漁蓑遙思白鹿渡滄海亦有雌霓從
天娥寒門委羽別泚泚具區林屋來娑娑寥空搏
霰散稷粟大田堆積珠與珂神絃朋酒樂方社村
春籌火明箕籬老夫祝雪雪等伴吳兒拍手歌吳
歌吳兒拍歌吳歌吹葭六琯回春餘

馴鶴行和沈小漁韻

霜棱淨雲達玉宇敞虛迴膠然時一聲天風下松
嶺冠羽肅以清神骨暇且整肯爲稻粱謀而有風
露警縹緲欲凌霄兀傲自顧影汗漫致與期畸人
意相等老梅爲久要孤山免淒哽窅窅吹鵝笙清
夢緱山頂

喜雪用東坡臘日遊孤山韻

君不見具區湖洞庭兩山如欲無銀濤四萬八千
頃恍惚張樂魚龍呼烏篷白勃歡童孥竹枝水調
歌相娛瀟瀟瑟瑟入葦蕩一枝柔櫓何縈紆何人
僵卧瓜牛廬妻梅子鶴致不孤曼殊沙花深沒膝

金華一
三
結跏趺坐依圓蒲皆大歡喜惟田夫仰天嚇嚇朝
及晡笑聲吹送筆策響樂事繪出幽風圖海門一
氣通夫餘蝴蝶滿空飛栩蘧草根欲醒遺蝗逋媼
神大力覃思摹

鸚鵡學語曰猫去了猫聞之輒驚走同人各

賦詩壯之

猫來了翠羽振振心悄悄主人愛養如鷓鴣高不
忘危幸相保猫去了虛室泠泠光皎皎怯膽變勇
神臂張狸奴奔似狂藐狡吁嗟物生有欲禍所根
弱者之內強之吞毋忘火滅慎戒存守雌抱蜀安

爾魂鵙鵙鵙毋多言

猛虎行

虎而翼兮雀有角
雀羽趙趙虎獵獵
虎能化鼠偷太倉
雀亦爲豹穿籬落
婪吞幻詐不可知
磨牙舐掌哀蒼黎
公然白日坐城市
不肯渡河誰渡之
張乃烏號之良弓
礪乃沒石之勁弩
霅然一發而參連
偃魄銷亡虎入土
不爾便如古老言
雀矢上頭

頭白腐

山中人言虎畏雀矢著腦卽潰爛

題唐六如十八應真渡海圖

富樓那作獅子吼
寶輪助佛翻雲潮
賓羅迦諾衆

尊者十方八部遊逍遙披著伽黎赤雙脚拳毛騶
目頭顙顙鳳麟洲南大瀛北飛仙窟宅百怪巢幾
時邂逅若相遲褰裳連臂風颭颭奔雲晦冥日輪
白瀕洞萬里堆銀濤拍天一各飛渡泡影滅沒
如萍藻或如碧驢走任子或似赤鯉騎琴高乘查
欲絕飲牛渚鞭石待逐移山鼇元龜翻波赤犀怒
虎鯨掉尾驪龍騎掀眉大笑者誰子豚魚小信堪
詼謔三山那可得徐福九垓未必逢盧敖一蘆一
杖一杯水諸龍眷屬齊震搖螭蚌前驅角鬐鬐雌
霓母蜃搏旌旆難陀優婆束冠帶婢魚人立如花

嬌龍孫玉貌新出浴兩鬼負戴乘仙躋蝦鬚猗猗
鼈裳褳駿奔將事同胥曹魚刀大貝魚革幹寶珠
瓔珞珊瑚梢應眞掉頭不肯顧麾斥砂礫嚴苴苞
乃知佛法至清潔宏辭誕義皆禪妖爲想十八應
眞下海目五大弟子定如回路贈處情相交

論語皇侃疏有公冶長解鳥語事記之以詩

聖門有公冶生聰察智慧通神明百鳥關關嚶嚶

靡不博且通

一解

自衛反魯由二嵬行烏鳶嚶喈

羣呼翔清溪食肉聲揚揚公冶傾聽心徬徨

二解

何來老嫗走且僵一步一哭風色爲蒼黃有兒三

銅梁山人詩

華不注集卷二十二

五

日不反或罹災凶公治告阿母前村有殯棄道傍

盡往覘之相扶將

三解

嫗憇村司捕捉躋公堂圍

扉翕翕貫索張子不殺人奚知死鄉公治輾然笑

赤口嚼舌何搶攘穿籬有雀噴噴唯唯逝將去何

方

四解

白蓮水畔車脫釭牡牛折角覆粟梁收歛

不及往啄强吏白獄主往驗得明

五解

孔子聞之

怒然情傷雖係徽纆非其咎殃爰諏嘉禮日吉辰

良鳳皇飛矣鳴鏘鏘我爲作詩吹笙補亡

六解

紅梅盛開酌酒爲壽

酌君以珍珠小槽之美醞貯君以旃檀七寶之精

廬頌君以裁冰鏤玉之佳詠伴君以拈花剪纈之
靈姝春風一夜滿齋閣仙人齊著紅羅襦茜裳裁
髻粧束古淑顏薌澤人間無綠華素娥兼藐姑無
此丹頰瓊英膚或疑瑤臺下衆嫵斑斑點臂煩花
奴又如絳宮集玉女蚴蟺丹篆縈丁符萬千火齊
圍雪暖一條鍊幹撐煙孤兕觥瀉筆寫君貌赤城
標建丹霞敷心腸鍊石盆嫵媚肝膽瑩澈何清腴
咽啾翠羽胡爲乎明星爛爛碧玉壺金釭吐燄垂
華趺圖中九九正愛胭支塗

炭塹用昌黎石鼎聯句韻

長嬴鑄大冶伏庚默鍊烹炎精息陰燄義輪碾雷
聲聚沙集瑣碎積鍊堆彭亨按掌富媪涅撲擊鍾
馱驚莫訝混沌死相依介石貞土炭合而一銖兩
無所爭得氣火就燥久曠日有纓渾如地球圓或
似魯鼓平石蓮久枯黑鳧茈未芽萌宜僚巧難累
象罔求誰傾涼秋颺然至物候淒以清忽忽雙丸
跳不覺冰雪盈惟此元龍珠日精所化成看取徑
寸圓如照千里晴銅鑪兩耳熱瓦盆三足撐茗薤
泛花乳酥酪調金鎗流蘇暖絳帳元冰釋端坑火
齊闌元夕粉荔明盤罌寒灰半芋撥石鼎全力擎

繆篆度欲盡羊胛熟可羹物薄用乃貴土重金爲
輕允宜緹室貯合以金盤盛珠聯璧方合月午參
纔橫團團海雲赤噉噉天雞鳴獸炭笑奇鬼麟植
無眞誠吳趨尙浮侈夸麗非人情銷金炙手熱千
錢日食并松明與楸栳自鄮寧足呈於茲不碌碌
守黑常鏗鏗木火土三變英瓊瑤莫名團團席爲
暖鞞康手可揜村春耀篝火鐙幔騰芒精大哉美
利溥日見淳風行